



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thomæ A Kempis Canonici Regularis Ord. S. Augustini De Imitatione Christi Libri Quatuor

Thomas <von Kempen>

Coloniæ, 1723

XIV. De temerario iudicio vitando.

[urn:nbn:de:hbz:466:1-45773](https://nbn-resolving.org/urn:nbn:de:hbz:466:1-45773)

7. In tentationibus & tribulationibus probatur homo, quantum profecit: & ibi majus meritum existit, & virtus melius patescit.

Nec magnum est, si homo devotus sit & fervidus, cum gravitatem non sentit: sed si tempore adversitatis patienter se sustinet, spes magni profectus erit.

Quidam à magnis tentationibus custodiuntur, & in parvis quotidianis sæpe vincuntur: ut humiliati, nunquam de seipsis in magnis confidant, qui in tam modicis infirmantur.

C A P U T XIV.

De temerario judicio vitando.

I. **A**D teipsum oculos reflecte, & aliorum facta caveas judicare. In judicando alios, homo frustra laborat, sæpius errat, & leviter peccat: seipsum verò judicando & discutendo semper fructuosè laborat.

Sicut nobis res cordi est, sic de ea frequenter judicamus: nam verum
judi-

judicium, propter privatum amorem, faciliter perdimus.

Si Deus semper esset pura intentio nostri desiderii, non tam faciliter turbaremur pro resistetia sensus nostri.

2. Sed sæpe aliquid ab intra latet, vel etiam ab extra concurrat, quod nos etiam pariter trahit.

Multi occultè seipsum quærunt in rebus quas agunt, & nesciunt.

Videntur etiam in bono pace stare, quando res pro eorum velle fiunt, & sentire: si autem aliter fit, quàm cupiunt, citò moventur & tristes fiunt.

Propter diversitatem sensuum & opinionum, satis frequenter oriuntur dissensiones inter amicos & cives, inter religiosos & devotos.

3. Antiqua consuetudo difficulter relinquitur: & ultra proprium videre nemo libenter ducitur.

Si rationi tuæ magis inniteris vel industriæ, quàm virtuti subjectivæ JESU Christi, rarò & tardè eris homo illuminatus; quia Deus vult nos sibi perfectè subjici, & omnem

rationem per inflammatum amorem transcendere.

C A P U T X V.

De operibus ex charitate factis.

1. **P**RO nulla re mundi, & pro nullius hominis dilectione, aliquod malum est faciendum, sed pro utilitate tamen indigentis, opus bonum liberè aliquando intermittendum est, aut etiam pro meliori mutandum.

Hoc enim facto, opus bonum non destruitur, sed in melius commutatur.

Sine charitate, opus externum nihil prodest: quidquid autem ex charitate agitur, quantumcumque etiam parvum sit & despectum, totum emittitur fructuosum.

Magis siquidem Deus pensat ex quanto quis desiderio & amore opus agit, quàm quantum fecit.

2. Multum facit, qui multum diligit.

Multum facit, qui rem benè facit.

Benè

eo
cap